

مجموعہ سنون

از

جمعیت علمیہ عثمانیہ

ایکٹھی سہنہ

نومرو ۲۴

ذی الحجہ

استانبول

جمعیت علمیہ عثمانیہ مطبعہ سندہ طبع اولئمشد



۱۲۸۰

(خلاصه پولیتیکه)

ممالك مجتمعه امريكا مسئله سی

امريكا مسئله سی اوچ سندد نبرو عالمك نظر دقتنی جلب ایتشدرد.
 اشو محاربه عظیمه تجارت و زراعتجه تأثیرات کلیه پی داعی اولوب
 بو. مناسبتله اوروپاده پك چوق اهل صنایع دوچار فقر و احتیاج
 اولدیغی مثلاًو عموق زراعتنه قابل اولان ممالك سائره اهالیسی
 منافع کلیه استحصال ایلشدررد. اشو نتایج عظیمه دن قطع نظر
 محاربه مذکوره شو زمانده اولان محارباتك الك بیوکی اولدیغند و با
 خصوص درت ملیون زنجینك صورت حاللری بونك نیچهد سنده
 متوقف بولندیغنه مبنی ممالك مجتمعه مذکوره نك امور مالیه و عسکریه
 و پولیتیکه جه حال حاضری شایان اطلاع مهنام اموردن اولغله
 اولبایده بعض معلومات مجمله اعطاسنه مبادرت اولنور. فقط محاربه نك
 ابتدای ظهورنده مملكتك نه حالده اولدیغی بیلندكجه احوال
 حاضره سی کرکی کبی اکلا شیله میه جیغندن مقصده شروع اولمق سزین
 بورالری نك دخی توضیح و بیانی مناسب کورلشدر.

۱۸۶۰ سنه سنده اجرا اولنان تحقیقاته نظرأ ممالك مجتمعه امريكا
 اوتوز بر ملیون درت یوز قرق بش یك اهالی پی وایکی ملیون سکر
 یوز یك میل مربع اراضی پی شاملدر. ممالك مذکوره اوتوز درت
 مملکتدن مرکب اولوب بولردن جنوب طرفنده واقع اون دردی
 درت ملیون اسیر زنجی ایله سکر ملیون پیاض اهالیدن عبارتدر

و شمال طرفه واقع یکرخی مملکتده اسرا اولیوب عموماً حریت اوزره بونتان اها ایلنی اون طئوز ملیوندن. اشبو مملکتارک حکومت عمومییه ارتباطلری دخی وجهاتی اوزره در. ممالک مذکوره حکومت عمومییه نك تحت تابعینده اولدقلری حالده امور داخلیه لرنده مستقل اولوب بونلرایله حکومت عمومییه لری بیننده اولان مربوطیت مصرک سلطنت سنییه اولان ارتباطنه تشبیه اولته ییلور شویله که ممالک مذکوره نك یکدیگرینه و بونلرک دول اجنبیه یه عاندا مور و خصوصلری حکومت عمومییه معرفتیه تسویه اولنور. ممالک مجتمعه دن هیچ بریسنک سکه ضربنه و کرک تعرفه سی و پوسته و یول تنظیمه و معاهده عقدینه و سفرا تعییننه و بر او بمرأ حرب ایتمکه و حکومت عمومییه اصول متخذه سنه مغایر اوله جق و یا خود قوانین اساسیه سنه طوقنه جق نظامات وضعنه صلاحیتی اوله من.

اشبو حکومت عمومییه دخی درت سنه ده بر کره اهالی معرفتیه انتخاب اولنور بر رئیسه محولدر. محاربه حاضره اسارت اصولنک خلافتده بونتان موسیو ابراهام لیتولن ۱۸۶۰ سنه سنه رئیس جمهور انتخاب اولنمی اوزرینه اسرا استخدام ایدن اون بر جمهورک حکومت عمومییه عصیان ایلمسندن نشأت ایتمشدر. یکی رئیسارک تاریخ انتخابلرندن درت ماه صکره اجرای حکومت مبادرت ایللری اصول موضوعه ایجابندن اولغله جنوب طرفه واقع ممالکدن اون بری اشبو درت ماه ظرفده ایریله رق بر حکومت مستقانه تشکیل ایلمشدر.

رئیس سابق موسیو بوقا هر قدر ممالک شمالیه دن ایسه ده جنوبلرایله متحد اولدیغی مثللو بالخمله و کلاسی دخی یا ذاتا جنوب اها ایلسندن

و یا خود انترك طرفدارى اولم لریله شو کیفیت جنوبك ورك زياده
 ايسته يا ايوب شويله كه وكلاى مومى اليهم مصلحتك نهايت نيه
 منجر اوله جغنى تفرس ايدرك اللرن دن كلديكى مرتبه شماللوره موجب
 ضعف وقتور و جنوبلوره بالعكس مدار اقتدار اوله جق اسبابك
 استحسانه سعى ايلدىلر امور مالىد ناظرى اولوب حين انفصالنده
 جنوبلو اردوسنده جنرال نصب اولنان موسوقوب انفصالندن اول
 بزقاج ماه الن دن كلديكى مرتبه شماللورك اعتبار مالىرينك كسرينه
 اهتمام و احوال خزينه يى اتلاف ايدوب حتى نيورقده بر استقراض
 عقد اتمك استديكى ائنه مملكت كمال خرايت و اضمحلاله يوز
 طر تدبندن اشبودينك هيچ بروقده اداسى ميسر اولمه جغنى بر
 نطق رسببنده بيان ايلشيدى :

اشتم وكيلى مومى اليهك شو حركاتك سؤتاثيرى اوله رق خلقى كوج
 ايله يوزده اون ابكى اشاغبنه ابكى مليون ليرالى بر استقراض عقد
 ايلدى :

حريه وكيلى اولان موسيو قلويد دخی جنوبلو اردوسنده جنرال
 اولوب بودخی مدت ماعور ينده سبالف الذكر مالىه نظرى مملكت
 اتباع ايلدى و ممالك مجتمعه عساكرى جمعاً اون التى بيكدن عبارت
 اولوب بوزلرى دخی مركز حكومت اولان واشتطون شهرندن ابكى
 بيك ميل اوزاق محالره سوق واعزام و جنوب طرفده واقع قلاع
 مستحفظينى البشر و يوزركشى يه تنزيل ايلدى . و شمال ممالك كنده
 بولنان مهمات حريه يى درلور بهانه لره جنوب طرفه نقل ايلديكدن
 محاربه باشلدقده جنوبلورك اسباب حريه لرى مكل اولديغى حالده
 شماللور بالكله تهى دست بولنشاردر :

بحریه و کیلی بولنان موسیو توسی دخی بو وجهله حرکت ایلدی :
 موسی الیهک ایام مأموریتده ممالک مجتمعه سفائن حرییه سی بکرمی
 بشی واپور اولق اوزره قرق ایکی قطعه دن عبارت اولوب اشبو
 سفائن چین و هندستان و بحر محیط شرقی کی غایت اوزاق محالره
 کوندربلشیدی و انشا اولوب در دست تجهیز بولنان سفائن دخی
 بالسهروله جنوبولر طرفدن ضبط اولنق اوزره سواحل جنوبیه ده
 واقع ترسانه لره جمع اولنشدی . ازجمله ورجیناده واقع نورفولق
 ترسانه سنه سوق ایلدیکی بش قطعه اعلا واپور سفینه سی دروننده
 الی قطعه سفائن حرییه تجهیزینه کافی طوب و مهمات سائر
 موجود ایدی :

خلاصهٔ کلام ۱۸۶۱ سنه سی مارتینک دردنده موسیو لینقون مقام
 ریاسته کلاکده خزینه یی نقوددن خالی و اعتبار مالیدن عاری
 و حکومتی عسکر سز و سفینه سز بولدی و داخلی و خارجی
 مأمورینک اکثرینی جنوبلویه مائل اولوب ممالک مجتمعه دن اون
 بری دخی سلاح بدست عصیان ایدی . بوندن قطع نظر شمال
 ممالککنده برچوق اهالی جنوبلو طرفداری اوله رق اسارت اصولی
 ترویج ایدرلر ایدی و حین انتخابده مشار الیه موسیو لینقون علیهنده
 رأی ویرمش اولنردخی اسباب مختلفه یه مبنی جنوبلو غیر تکشی
 اولوب شویله که جنوب محصولی اولان پموق نیورقه جلب و فروخت
 اولندیغندن اهالی مذکورتهک بعضیسی بو مناسبتله و بعضیسی
 دخی جنوبلوریه اتفاق ایتدکلی حالده حکومت عمومیه تک تحت
 اطاعتدن چقارنر مطالعیه سیله جنوبلوی التزام ایدوب برده جنوب
 اهالیسندن پک چوق کسان موسم صیفده شمال طرفلرنده اقامت

ایلدکاری مثلاً و شمال اهل بسندن بر او قدر کسان دخی فصل شتایی
جنوب ممالکنده امرار ایلدیکندن بو جهتله طرفین پینده حاصل
اولان مناسبات دوستانه دخی واسطه اتفاق اولشیدی.

شمال اهل بسی سلاح استعمالنه مألوف اولدقلرندن محاربه دن نفرت
ایدوب چوقدنبرو مظهر اولدقلری صلح و صلاح مبدل حرب
و قتال اولماق ایچون جنوبلورک دائره اتفاقدن خروجلرینه
موافقت کوسترلر و بلکه دها زیاده فداکارلق اختیار ایدرلر ایدی
چونکه اشبور ایرلق استیان مملکتلرک بر قاج سنه صکره یننه طالب
اتفاق اوله جقلرینی مأمول ایدرلر ایدی.

حالبوکه جنوب اهل بسی مالک اولدقلری درت ملیون اسیری تحت
اطاعتده طومق ایچون اوتیه دنبرو اسلحه استعمال و فن حرب ایله
اشتغال ایدرلر ایدی و اسارت اصولک ایقاسی حقنده کافه اهالی
یکدل و یکجهت اولق ایچون حکومت طرفدن اولبایدیه تقیدات
متمادیه اجراسیله اهالیدن بریسی شماللور حقنده اظهار محبت
ایلدیکی کورلدکده درحال اعدام و یا خود مملکتدن طرد و اخراج
اولور ایدی.

اشته حال بو صر کرده ایکن موسیو لیتولن و اشنطونده زمام ریاستی
اله الدی : مشار الیهک شهر مذکوره اثنای عزیمتده شمال طرفنده
واقع بر شهر دن فرور ایدرکن حقنده سو قصد اولاندیخی مثلاً
واشنطونی ضبط و مشار الیهک مقام ریاسته قعودیخی منع ایتک
اوزره جنوبلور طرفدن یر قوه جبرییه ترتیب و تهیئه قلمش
ایسه ده اداره محکومیه و قتیله تدابیر لازمه یه بالاشیبت بونلرک منع
و قوعنه دسترس اولمشدر.

اشبو وقوغاتدن اولجه سايقا ممالك مجتمعه حريه وکلي بولنان موسيو
غفرسونک تحت رياستده اوله رق حکومت جنوبيه تشکل ايدوب
اون ايکي مليون نفوسي و بر مليون ايکي يوز يک ميل مربع
اراضي ني شائل بولنان اون بش مملکتی زیر اداره سنه المقي ادعاسنه
قيام ايلدي و ممالك مجتمعه نك جهت جنوبيه سنده واقع استحکامات
اوزرينه هجوم ايله درونلرنده بولنان مستحفظيني قلت عدد جهته
مقاومته مقتدر اولدقلرندن دردنن ماعداسني آورده قبضه تسخير
ايلدي و اوروپا فابريقه لرينه اقتضا ايدن پوغک جزو اعظمي
ممالك جنوبيه ده حصوله کلدیکندن بو جهته عالمک کندولرينه
احتياجي اولقي ملاحظه سيله استدکری کي اجرائ احکام ايتک
و شماللور ايله محارب اولدقلري تقديرده نفوسجه کندو مقدارلري
از ايسه ده مملکتلرينک محافظه سنده سهولت اولوب حالوکه شماللور
کندو مملکتلريني براغهرق جنوب ممالکنه عسکر سوقنه مجبور
اوله جقلري جهته انلره موازن و بلکه دعاه قوی اولقي افکارينه
ذاهب اولديلر.

اشته بو وجهه وقت و حال جنوبلو حقنده مساعد اولديغندن
شمال ممالکي اضياع درجه سنه کله رک بو وجهه دوچار اولديغي
مخاطره دن تخليصی غير ممکن ظن اولتور ایدی . فقط شمال اهالیسی
چوق زماندنبرو جنوبلورک تهديداتنی استماعه مالوف اولدقلري
جهته محاربه وقوعه قطعاً اعتماد ايتمز ایدی . لينقولنک عام
رياسته قعودندن قرق کون صکره جنوبلور يکرمي يک عسکره
شماللوره متعلق سوميتر نام قلعه اوزرينه هجوم ايدوب و اشبو قلعه
دروننده بالکز يتش بش نفر مستحفظ اولديغندن اوتوز درت ساعت

مخاربه دن صکره تسلیمه مجبور اولند درن
 وقعه مذکوره مخاربه نك ابتداسی اولوب شو مقدماته نظراً اوروپا
 ارباب پولیتقه سی مدت یسیره طرفنده ممالک مجتمعه اصریقانک بالکلیه
 مصمحل و پریشان اوله جفنده اشتباه ایتمزل ایدی.

جنوبلورک اولوجهمله ممالک مجتمعه قلعه سنده بولنان فته قلیله بی
 حصرو تضییق ایلمری شمال طرفنده حکومتک هر درلو تشویقات
 ایله حصولی ممکن اوله میده جق درجه ده تأثیراتی اولدیغندن شماللور آبا
 واجدادلرینک تشکیل ایتمش اولدیغی اصول جمهوریتک وقایه سی
 ضمنده جله یکدل و یکجهت اوله رق جنوبلور علیه نه قیام ایلدیلر.
 اگرچه بالاده ذکر اولنان اسبابه مبنی بونلر حرب و ضرب ایله مألوف
 اولدقلری مثلاً اسلحه و سفائن حریبه دن و نقوددن تهی دست
 بولنشلر ايسه ده رئیس طرفندن عسکر جمع و تحریرینه مبادرت
 اولندقدیه هر کس کمال شوق و رغبتله گروه گروه استلان محله
 تحشد ایلدیلر و در عقب تشکیل اولنان بر جمعیتده بشوزیک عسکر
 تحریرینه و یوز ملیونلق بر استقراض عقدینه قرار ویردیلر. بزم
 بو محمله مقصده من مخاربه نك شمعی یه قدر صورت جریاننی حکایت
 ایتمک اولدیغندن بالکن نتایج احوالک یانی و بدایت مخاربه ده
 بولندیغی حال ایله الیوم امور مالیه و عسکریه و پولیتقه سنک قیاسیه
 اکثفا ایدرز.

ممالک مجتمعه نك امور مالیه سی

بالاده ذکر اولندیغی وجهله مخاربه نك ابتداسنده حکومتک نه
 انچه سی ونه ده اعتبار مالیسی اولدیغندن اوروپادن استقراض

عقدی ممکن دکل ایکن داخل مملکتیدہ اہلینک کال شوق ورغبندہ
ووکلاسنک اہلیتہ مبنی حکومت شواوچ سنہ ظرفندہ تقریباً
اوچوز ملیون لیرا استقرارن ایتش ووبایدہ قطعاً متکلاتہ دوچار
اولما مشدر

ممالک مجتمعہ نک قبل المحاربه بالکراون سکر ملیون لیرا دیونی
اولدیغندن اوچ سنہ ظرفندہ بونی اوچوز ملیون لیرایہ ابلاغ ایدن
بر حکومتک امور مانیہ سی یولندہ دینلہ مز ایسندہ جزئی فائض ایلہ
وباشہ باش اولہ رق بوقدر مبالغہ جسیہ نک اہالی مملکتدن استقرارنی
ہیج بر یردہ امثالی سبقت ایتامش اولدیغی درکاردر

شو موفقیتک بر قاج سبی واردر اولا اہالی جزو اعظمک حکومتہ
کال وثوق واعتمادی اولوب اجتماعک محافظہ سی و اصول اسارتک
ابطال وازالہ سی ضمنندہ ہر درلو فداکارلق اختیار ایتلری ثانیاً
اشبو مبالغہ مستقرضہ نک اکثریسی داخل مملکتدہ صرف اولوب
بو وجہلہ ینہ تداولده قالمسی ثالثاً وکلاتک کال اہلیت واستقامتہ
حرکت ایتلریدر

محاربه نک ابتدا سندہ استقرارن طریقہ درحال اچہ تدارکنہ
وقت مساعد اولدیغندن سکسان ملیون لیرالق قوائم نقدیہ اخراج
اولوب اشبو اوراق کر کلردن بشقہ ہر درلو اخذ واعطایہ قبول
وہرنہ وقت استلورایسہ دولت اسہامی ایلہ باشہ باش تبدیل
قلنور

ممالک مجتمعہ دہ بیٹک الی یوز بانقہ اولوب مؤخر بورادہ دخی دولت
علیہ بانقہ سنک چیقاردیغی کی مذکور بانقہ لک قوائمی اچہ مقامندہ
ایادی ناسدہ تداول ایدوب بو جہتہ اہالی اوتہ دنیرو اوراق نقدیہ

استعماله مألوف اولديغندن و حکومت قوائىك تداولنده دها
زیاده سهولت و امنیت بولديغندن عموم اهالی بونی تلقی بالقبول ایدرك
معايلاتده عادتاً التون اعتبارنده اخذ و اعطا اولنور ایدی.

اوراق نقدیه نك باشلیجه محذوری ایادی ناسده تداول ایچون ازومی
اولان مقداردن زیاده چیه اارلسندن عبارت اولوب اوراده دخی شو
محذورك بالکلیه دفعی ممکن اوله مدیغندن محاربه نك ایکنجی سنه سنده
درسمادته دخی اولدینجی کبی بعض مرتبه اعتباردن سقوط ایدرك
یوز غروشلق التون یوز یکر می اوچ ایله یوز التمش بش یینده ترقی
و تنزل ایلندرو بوندن زیاده تنزل ایتماسی ضمنده تداولده اولان
اوراقه قارشولق اولیق ارزره حکومت خزینه سنده مقدار کلی
التون جمع و حفظ اولمق کبی تدابیره تشبث اولنمشدر.

جنوبلو حکومتی دخی شماللورك تداوله وضع ایتدکری مقدارک
ایکی قاتی اوراق نقدیه چیقاروب اوراده بر درجه اعتباردن
دوشمشدر که یوز غروشلق التون ایکی ییک بشیوز غروشه چیقمشدر.
ممالک شمالیه ده کلی قائم چیقارلسندن اجتناباً اهالیدن ایقه
استقراضی تنسبب اولندیغندن باشه باش سنوی یوزده یدی و اوچ
عشر فائض ایله یکر می بش ملیون انگیز لیراسی استقراض اولتمش
ونیورق و بوستون و فیلا دلفیا شهر لری صرافتری طرفندن بو خصوصده
حکومه کلی معاونت و قوعبولمشدر. اشته بو طریق ایله دفع احتیاج
اولندقدن بشقه حکومت و اهالی ییننده شدت ارتباط حاصل اوله رق
برینک بقاوا ضمیمه لائیک دیگرینه دخی عائد اولسی لازم کلمشدر مالیه ناظری
موسیو چیز مجدداً بر بائقه نظامی وضع ایدوب اشبو نظام اقتضا سنجه
یکی تشکل ایدرجک بانقده ل سرمایه لری نی حکومت اسمانه تبدیل

و بونلری دخی عامه به امنیت اولوق اوزره خزینده تودیع ایدرک
کندولی اولمقدار بانقه سنداتی چیقارمق و استلیدیکی حالده
اشبو سنداتی نقوده تبدیل ایتمک شرطیه رخصت اعطا اولور.
اشبو اصول بین الاهالی مظهر قبول اولمش و بو طریق ایله پک چوق
اسهام سورلمشدر.

ایکنجی دفعه اولوق اوزره باشه باش و سنوی یوزده الی فائض ایله
یوز ملیون لیرالوق بر استقراض کشاد اولوب طغوزای طرفنده کاملاً
بدلی استیفا اولمشدر و بو دفعه دخی یالکز یوزده بش فائض ایله
ینه یوز ملیون لیرالوق بر استقراض کشاد و از وقت طرفنده حصه لری
تماماً فروخت اولمش و بونک جزوا عظمی اوروپا لوجا بنه
اوله رقی رتکین صرافلر طرفندن تسویه اولمشدر.
حکومت سنوی یوزده الی فائض ویرلک و یکر می سنه طرفنده بدلی
تسویه قلمق اوزره مقابلنده سرکی اعطا ایدرک یکر می بش ملیونلوق
اوراق تقدیه بی تداولدن قالدیرمشدر و ممالک مجتمعه دک هر طرفنده
اهالیدن استیازلر اچهلرینی بر قطعه مقبوض سندی مقابلنده مال
صندغنه تسلیم ایدوب اژن کوندن بر سنه مرورینه قدر اوراده
قالدیخی مدت ایچون یوزده درت بش یعنی بر سنه براغلدیخی
حالده بش و بوندن از مدت ایچون درت و دهها اشاغی فائض
ویرلمکده و مصارف عاجله بو صورته تسویه قلمقده در. شماالولرک
دیون موجوده سی مبالغ آینه دن عبارتدر.

اثنا سنده هر آن بر طرفك بر غلبهٔ عظیمهٔ مظهر اولدیغنه دائر
تلغرافنامه ورودی محتمل اولدیغی جهتله حال حاضرک نه مرکزده
اولدیغك تعریفی مشکل ایسه ده بعض محاربه لرك قرانلسیه
تغیر پذیر اوله میه حق بعض حالات حصوله کلمشدر.

ابتدای محاربه ده شمالو اردوسی یالکز اون الی یك نفر دن عبارت
اولدیغی حالده الی یوز الی بیکه بالغ اولمشدر و بر ملیون سکن بیک
ادم عساکر بریه و بحریه سلکنه دخول ایدوب بر مدت خدمت
ایتمش و بونلرك اکثریسی کوکلاو اولوب بر طاقی دخی قرعه ایله
تحریر اولمشدر.

بونلردن بشقه بودفعه قوه احتیاطیه اولق اوزره ایکی یوز بیک
عسکر دخی تحریر اولمشدر. عساکر مذکوره نك کافه سنه الك اعلا
جنس دن اولق اوزره ششخانه لو طوب و تفنك اعطا اولنوب الیوم
دخی شمال دبویلری هر درلو مهمات حریه ایله مالامالدر. ابتدای
محاربه ده موجود اولان قرق قطعده سفاین حریه لری دخی التیوز بکرمییه
ابلاغ اولنوب بونلرده موجود طوپلرد دخی درت بیک پاره در. اشبوسفانك
در تیوز اوتوز ایکبسی واپور اولوب یتش درت قطعده سی زرهلودر.
اشبو قوه بریه و بحریه ایله حصوله کلان نتایج مواد ایه دن عبارتدر.
جنوب سوا حلقه اوچ بیک میل مسافه ابلوقه اولمش و چارلستون
و ویلیکتون و موپله و کالویستون تسمیه اولنان درت شهر دن بشقه
ساحلده واقع باشلیجه شهر ل ضبط اولمشدر. مذکور درت شهر دخی
یک اوزون کورفرلرك نهایتنده واقع اولدیغندن سفاین حریه نك
درونلرینه دخولنده زیاده مشکلات اولدیغی جهتله انیدی ممکن
اوله مامشدر و جنوبده واقع جسیم نهرلرك یالکز انکیسندن ماعداسنی

شمالالور ضبط ایتشلر و جنوبلورك استیلا ایتك داعیه سنده
اولوب ممالك محروسه نك بش التي قاتی وسعتده بولنان ممالك
نصفی استرداد ایشلردر ونصف دیگرى دخی الیوم میدان
مخاربه در.

دیسپسی نهری و سواحله واقع بالجملة شهرل و قلعه لرك شماللو
یدینه دوشمی جهتیه جنوبلورك ضبط ایتك استدکری ممالك
نصفدن زیاده سیله مرکز حکومتلری یکنده مخبره منقطع اولمشدر.
ممالك جنوبیه ده بولنان اسرآنك كافه سی رئیس جمهور موسو لیتقون
طرفدن عتقری اعلان قلمش اولدیغدن جنوبجه بونك زیاده
سؤ تأثیری اولوب اسرای مذکور نك شماللو حقنده بوجهته حصوله
کلان میل و محبتلرینه منی یوزیک نفری شمال طرفته التجا ایله
عسکریازلشلر و برچوغی دخی اوراده سربستاك داعیه سنه دوشه نك
صاحبلرینی غوائل و اندیشه یه دوچار ایتشلردر و شمال اردوسی
ایلرولدیجه اشوزنجیلرک ضبطی دهها مشکل اراهه جفی درکار
بولمشدر.

جنوب طرفنده اون سکرذن الی بش یاشنه قدر عموم اهالی
جبرا عسکریازیلوب ارتق استبدال اولنه حق ادملری دخی قالماش
اولدیغدن عساکر موجوده تلف اولنجیه قدر اردوده قالمغه
مجبوردرلر.

ممالك مجتمعه نك احوال پولیتقیه سی

مخاربه نك ابتدا سنده حکومت عمومده نك ایکی وظیفه پولیتقیه سی

اولوب بریسی ممالک شمالیه ده رابطهٔ اتفاق کسب تأکید ایتسی
 و دیگری دخی حکومت جنوبیه نك اوروپا دولتری طرفدن تصدیق
 اولنماسی اسبابنك استحصالی ماده سی ایدی. اشبو مقاصدینك
 ایکیسی دخی حصول پذیرا ویشدر. انکله دولتی اوته دتبرو ممالک
 مجتمعه امریقانك کسب معیوریت و اقتدار ایلسنه نظر رقابت ایله
 باقوب محاربه ظهورنده دخی انکله فابریقه لرینه لازم اولان پموغك
 ارقه سی کسلسندن ناشی پك چوق اهالیك دوچار فقر و احتیاج
 اولدیغی و انکله ارباب حکومتی اسرا استخدام ایدن جنوب اهالیسی
 طرفداری بولندیغی جهته شمالو حقنده مساعد اولوب فقط
 بوجه ایله برابر دولت مشارالیها كرك معاهدات موجوده احکامه
 و كرك قاعده حقانیه رعایه اصول بیطرفی بی التزام ایشدر.
 فرانسه دولتی دخی اوته دتبرو امریقاده لاتین جنسنك سرکارده
 بولنسی ارزوی مافی البالی اولدیغی جهته حکومت جنوبیه بی رسماً
 طانیق و بوجهله تحت صحابه المش اولدیغی مکسب قایه بر متفق
 تدارك ایتك نیتنده بولنش ایسه ده هر نصلسه دولت مشارالیها
 دخی شمعی یه قدر انکله مسلکله اتباع ایشدر.
 عموماً اوروپا دولتری ممالک مجتمعه حقنده اولوجهله اصول بیطرفی یه
 رعایت ایتدکن بشقه عموماً اوروپا اهالیسنك امریقا اصول
 و قوانینی حقنده اولان و ثوق و اعتمادلری بر دوام اوله رق بونلر
 کاکان امریقایه مهاجرت ایتکده درلر وختی محاربه اثاسنده
 سنین سائر یه نسبتله مهاجرینك مقداری تزايد ایدوب کچن سنه
 دخی ایکوز بیکه بالغ اولمشدر. دول سائر مثلاً دولت علیه دخی
 ممالک شمالیه حقنده لوازم و دو موالاته رعایت ایدوب بو دخی ممالک

مذکر کرده رهین تقدیر اولمشدر.

حکومت شمالیه داخلیمه اولان پولیتقه سنده کذلک موفق اولوب
بودخی اصول اسارتک الغاسی و محاربته نک دوام ایتدیرلسی
مقاصدندن عبارت ایدی. امور مالیه وعسکریه حقنده بالاده بسط
و بیان اولتان مواد عموم اهلینک محاربه طرفدارى اولدیغنه دلیل
کافیدر.

اسارت مسئله سی غایت مشکل برشی اولوب بو کیفیت محاربته نک
سبب مستقیدر زیرا اسرا صاحبانی اولان جنوب اهلینک باشلیجه
شکایتلری شماللورک اسارت اصولی علیهنده اولان خصوصتلی
کسب اشتداد ایلینندن عبارتدر. فی الحقیقه اسارت اصولنک دها
زیاده توسع ایتماسی شماللورک اوتهدنبرو اقصای امانلری اولوب
اسارت خلافتده اولمقلقله شهر تشعار اولان موسیولینقولنی رئیس
جمهور انتخاب ایتلری دخی بومقصدده مبیدر.

جنوبلورک ایرامقدن صکره اتخاذا ایتش اولدقلری اصول اداره
تمامیه ممالک شمالیه اصول اداره سنه موافق اولوب فقط مملکتجه
لزمته مبنی زنجی اسرا استخدا منه جواز کوسترلمشدر. حکومت
جنوبیه رئیس ثانیه سی بر موقع رسیده ایراد ایلدیکی نطقده
امر اسارت حکومت جنوبیه نک اساسی اولدیغنی بیان ایلشدر.
محاربته نک برنجی سنه سی طرفنده عموماً اسارتک الغاسنه شماللور دخی
موافقت کوسترمیوب چونکه اول اول حالده ازاد اولنه جق درت
ملیون اسیری نه یایمق لازم کله چکنی بیلزلر ایدی ثانیاً جنوبلور
چوق کچمکسزین ینه دائره اتفاقه دخول ایده جکلرینی مأمول
ایدلر ایدی ثالثاً او قدر اسیر بردن سربست اولدقلری حالده اسکی

صاحبزادان اخذ انتقام داعیه سیله سفک دمایه قیام ایملرندن خوف
اولنور ایدی رابعاً ممالک شمالیهده بر چوق خلق اسارت اصولک
خلافنده اولدیغی حالده زنجیلردن کمال نفرتلرینه منی حسن
حالی رینی پکده ارزوایملر ایدی . اشته رئیس جمهور اشبو افکار
متخالفه بی تألیف ایتمکجه عموماً اسارتک العاسنی اعلان ایده ماعشدر
برده اهالی زنجیلرک سلاک عسکرییه دخوللرینه بر وجهله راضی
اولزلر ایدی .

اليوم شومشکلانک کافه سی مندفع اولوب اسارتک العاسنی مملکتک
منافع حقیقه سی و زنجی جنسنک حقوق طبیعه سی اقتضاسی اولق
ادعاستنده بولنور پک از ادم قالمشدر . شمدی شماللو اردولرنده بیاض
عسکر ایله سیاه عسکر برلکده حرب ایتمکده اولوب اکثریسی
عتقادن مرکب بولن ان زنجی الایلرک زیاده ایشه یرادیغی بالتجربه
تین ایتدیکی مثالو زنجیلرک کندو حاللرینه ترک اولندقلری حالده
عادتا بیاضلرکی حسن حاللری اسبابنک استحصالنه سعی ایده جکلری
اکلاشلش و بوجهته حقلرنده اولان نفرت عمومیه از وقت ظرفنده
زائل اولمشدر .

ایلروده مجلای ظهورده نه صورت جلوه کراوله جغی ییلنه مز ایلدهده
اوچ سنه دنبروایکی طرف دخی نفوس و اموالجه خسارات کلیه یه
دوچار اولوب ارتقی بوندن صکره اشبو مصائب حریره یه تحمل
مشکل اوله جغندن عهده قریبده محاربه یه ختام و یریلرک ممالک
مذکوره نک کماکان دائرهٔ اتفاهه داخل و نعمت صلح و صلاحک عموم
اهالی حقهده شامل اولسی مأمولدر .

تونس اختلالی هنوز مندفع اوله مدقدن بشقه کتد بجه توسع ایتکده
 اولوب مملکت مذکوره لیمانه تجمع ایتش اولان سفائن اجنبیه اوراده
 طور دجه کروه عصاة بونلر حقده بعض سؤنیت اسنادیله امدین
 ازله مدقلرندن بعض غزته لک ذهابه کوره اعاده صلح واسایش سفائن
 مذکور بت انصرافه متوقفدر جزایر قائم مقامی دوق دومالاقوف ایتش
 یاشنده اولدیغی حالده بوکره وفات ایتشدر مشارالیه روسیه محاربه
 سابقه سی اثناسنده قریعده بولنان فرانسه اردوسی باش قوماندانی
 اولوب سیواستپولک باشلیجه استحکاماتندن مالاقوفک فاتحی اولوق
 جهتیله عنوان مذکوری حائز اولمش ایدی دوق دومالاقوف اوروپانک
 الک مشهور جنراللرندن اولدیغی جهتیله وفاتی فرانسه جده بادی
 تأثر عظیم اولمشدر.

دانمارقه مسئله سنک حلیمچون لوندرده عقد اولنان مجلس مکالمه دن
 هنوز بر نتیجه حاصل اوله مامشدر. قرار ویریلان بر ماه متارکه بو
 کره اون بش کون دها تمدید اولمش ایسه ده قوتفراسده جریان
 ایدن مذاکراته نظراً بونک دخی صلحه منتهی اولمش غیر مأمول
 بولمشدر مخ مافیه سیاق حاله نظراً پروسیا دولتی منازع فیه اولان
 دوقه لقلرک کندوممالکنه الحاقی تصورندن صرف نظر ایتش
 اولدیغندن ذکر اولنان دوقه لقلرک دانمارقه دن تفریق لازم کلورسه
 دوق دو اوغستینورغک تحت اداره سنه ویرلمسی ویاخود اسبوج
 ونوروج و دانمارقه مملکتلی برلشدیریه لک بر اسقاندینا و دولتی
 تشکل اولمشی متصور اولوب بونک حصواچون دخی اسبوج
 قرالنک کریعده سی دانمارقه قرالنک بیوک اوغلند تزویج اولنه جغی

روایت اولمقدمه در روسیه و اوستریا امپراطورلری بیننده وقوعی
مقرر اولان ملاقاتك پولیتیکه جه بعض تبدیلی داعی اولسی ملحوظ
اولوب چونکه مشارالیهما میانہ سنده لهستان و ایتالیا مسئله لرینه
دائر مذاکرات جریان ایتش اولدیغندن اولبابده بعض خصوصیات
قرار ویرلسی غیرمتممدر و روسیه ایله اوستریا دولتلی بیننده اتفاق
حقیقی حصولنك اهمیت انکار اولنه من ايسه ده بعض خصوصدن
طولانی اوستریا ایله پروسیا میانہ سنده برودت حاصل اولوب بنأعایه
پروسیا نك هر خصوصده دولتی مشارالیهمایه موافقت کوستره میه چکی
غزیه لر رویا تندر.

قورقواستحکاماتك هدمندن صکره انکیز عسکری جزایر سبعه یی
تخلیه ایش اولدیغندن یونانستان قرالی جزایر مذکوره نك تسلیمی
ایچون بو کره قورقویه عزیمت ایشدر. جزایر مذکوره بوندن بویله
یونان ممالکندن مغدود اوله جفندن اهالیسی اتحاد قومیت مناسبیه
شو خصوصدن ممنون ايسه لرده واردات مخصوصه سندن بشقه
انکیزه دولتك جزایر مذکوره ایچون شمیدی یه قدر سنوی بر
ملیون لیرا صرف ایتش اولدیغنی و یونان دولتك قوه مالیه سی
بر قدر مصارفه محتمل اوله عیه رق ایلروده جزایر مذکوره اهالیسندن
زیاده جه ویرکواخذی مجبوریتنده بولنه جغنی شمیدین مطالبه
ایدرك اکثر اهالیك شو حالدن خشنود اولدقلری مرویدر.